



TOPA IN ZA-IN HONG HONKHIA

Lesson 4 ading January 27, 2024








**"Huhna a ngen dingin thumante a kiko
ciangin Topa in za-a, a haksatna
khempeuh panun amaute a honkhia hi."**

(Late 34:17)

Topa pen a gamla-ah om in, dai dide pasian hilo hi.
Ei hongthei, hongkeem, hongdal le hong honpa hi.

Pasian in i thuumna za in, ei' taangin ding hi. Hih
in Israel mite tuahkhak thu hi; haksatna a phuut
khak ciangin Pasian kiangah a kiko na late gelhte
tuahkhakte ahi hi.

Eite i haksatnate sungah ei bek ihi kei hi; eite hong
huu dingin hongpai Topa a om hi.



- ➡ **Topa'n thei hi (Late 139).**
- ➡ **Topa'n hongkeem hi (Late 121).**
- ➡ **Topa'n hongdaal hi (Late 17).**
- ➡ **Topa'n hong khakhia hi (Late 114).**
- ➡ **Topa'n za-in hong honkhia**




TOPA'N THEI HI

"Topa aw, nangmah in kei na hong entel a, nong thei khin hi." (Late 139:1)

David in ama nuntakna khempeuh Pasian mai-ah kilangkhia ahilam thei hi (Late 139:2-3). Pasian in amah pen a suahma pekin theikhin ahil manin a nu' gil sung panin a khangkhia sak Pasian ahi hi (Late 139:13-16).

Pasian pen mun khempeuh ah om ahil manin, na paina khempeuh Pasian tawh na kimuthei hi. A sangpen (vantung) dong na kah zongin Amah om hi; a zenzen in sihna guam thuk (Sheol) ahizongin hong mu hi; nisuahna lam na nga zongin (a kha zaak in) lam honglak ding hi; nitumna lam zuan in (tuipi tawp ah) na pai zong in, a khutin nang hong daal ding hi (Late 139:7-10).



Pasian kiang panin nang hong tuamcip zo ding khuamial na mun omlo hi (Late 139:11-12). Ahizongin David in taikhia in zonglo hi. Amah in Pasian a ze-et nuam hi. Siatna peel in, Pasian deih thuman nuntakna tawh nungta ding hanciam in (Late 139:17-23).


Amah in lel ding cih hong thei ahil manin, Pasian in Ama' lampi maan honglak (Late 139:24). Hihin Pasian tawh na kituakhak thu hiam?

TOPA'N HONGKEEM HI

"Topa in siatna khempeuh panin nang honghu ding a, amah in a muan'huai-in nang hong kem ding hi." (Late 121:7)

Na dinmun bangzah takin lungkiat huai mahleh, Pasian in thuumna za hi (Late 130:1-2).

Ih kiko ciangin, Amah in ei' taangin hong ding hi (Late 9:10). Topa' maipha a zong khempeuh in a lametna bangin ngah ding uh hi (Late 16:8).



Late 121 ah eite hong hunding le hong makaih ding, huhpa i muhna honglak hi:



Amah in i nuntakna ah taal in hong tuksaklo ding hi (v. 3)

Amah in tatsatlo-in hong encik hi (v. 4)

Amah in taksa le kha lamah i bukna hi (v. 5-6)

Amah in a tawntungin ei' lampan hong dal hi (v. 7)

Amah in mun khempeuh le hun khempeuh ah hong keem hi (v. 8)

Haksatna i tuah ciang hong huhding koi teng ah zong ding? Mualtung ah maw? Sum le paai zonna ah maw? Leitung thuneihna ah maw? Innkuan le lawmte kiangpan maw? (Late 121:1).

Tua-in hong huhzo phial zongin, tuate khempeuh in hong lel sak hi. A lel ngeilo khatbek om: "Van le lei a baw Topa' kiang panin keimah huhna hongpai hi" (Late 121:2).



TOPA'N HONG DAAL HI

"Mitnauta bangin hongkeem inla, na kha liim ah hong seel in" (Psalm 17:8)



Ama' kiangpan Pasian' lametna tawh kituak nuntakna ah upna tawh David in Topa pen amah huu pa dingin ngen hi (Late 17:1-5).

Late gelhpa in Pasian hong kepna tawh kisai ei hong genna ah vasate tawh i tel' dingin gen kaak hi: "Akha nuai-ah hong koih in, hong keem bit hi" (Late 91:4). Ama hong kepna thu i teltheih nadingin gaal kammal zangh hi: "na kidaalna luum le na bukna kawm hi" (Late 91:4).

Adang tehkaknate ah "bukna," "liim," "gaal muanna inn," "taklam khut" cihte hi (Late 91:1-2; 17:7-8). Tuate khempeuh in kidaal na le muanhuaina thu lak hi.

Lunghianna omlo-in, haksatna khempeuh pan hongdaal Topa khat a om hi. Amah kiang zuan ni. Ama liim beel ni.



TOPA'N HONG KHAHKHIA HI

"Tuipi in amaute mu-in taikhia-a, Jordan gun a nungkik hi" (Late 114:3)



Late 114 ah Pasian in a mite in khapsa gam nuam a tun theih nadingin haksat nate tomkaih in le tangthu khat bangin a pulaak hi:



[San] tuipi-in Pasian a muh ciangin tai hi (v. 3a)



Jordan Gun nung kiin hi (v. 3b)



Mual lian, mual neute diang uh hi (v. 4)



Piangsakpa bangin, Pasian in a mite suahtak nadingin piasknate tungah a vangliat na zangh hi. Tuni-in ei-a dingin tua bangin a sem hiam?

Paul in hih nate-in ei-a dingin lim honglak hi ci hi (1Kor. 10:1-6). Tua mah bangin, eite-in zong mawhna sungpan lamdang takin suakta in Vantung Kanaan gam zuatna ah hamsatna (mual le guam) tawh a kidim hi. Ahizongin Topa' mai-ah "leitung kilok" ding hi (Late 114:7).

TOPA'N ZA-IN HONG HONKHIA

"Siangtho mun panin hunna nang hong puak henla, Zion panin nang hong pan'pih tahlen!" (Late 20:2)

Siangtho mun (**biakbuk**) in Zion Mual (Jerusalem) tungah a om hang in, Pasian in tua tua munah a taksa tawh omlo ahihna Israel mite in kician takin thei uh hi. Pasian in "mi omlohma, Pasian in a bawl a man biakbuk" (Heb. 8:2), ah a sangpen munah a teen hangin tua mun panin hong za in honghonkhia hi (Late 20:2; 3:4; 1Kum 8: 30).

Tua thute hangin, eite-in i za ding hi cih upna tawh Pasian kiang i zuan thei hi (Heb. 4:16). Ahihhangin siangtho mun panin Amah in bang sem thei hiam?

Gupkhiatna hongpia hi (Late 14:7)


Siat theihna pan hong keem hi (Late 27:5)

Ih kisapnate hong huh hi (Late 36:8)

Buk nading neilote hong dal hi (Late 68:5)

Eite hantna hongpia hi (Late 68:35)

Mite-in kisiikna tawh Ama' hehpihna le maisakna ngahna hangin Pasian tawh kizopna man a kepcing' manin, tuate in Pasian i hotkhiatna tawh kisai lungmuanna i ngah thei hi. Siangtho mun in Zeisu tawh i kimuh ciangin gupkhiatna ai-awh hi.



“Na lunggulhna, na nuamna, na dahna, na kepna, le na launate Pasian mai-ah sungkhia in. Nang amah vangik suan nahi kei hi; Amah cimtak kei-in. Na samzang phazah nangawn a thei pa in a tate kisapna lung hi mawhlo-in omlo ding hi. “Topa’ in hehpihna tawh kidim in, a hehpih thei hi” James 5:11. Hong itna in i dahna khempeuh le i kampaute hangin a lungsim kilok sak hi. Lungsim hong buaisak thei khempeuh Ama kiang paipih in. Leitung lenkip in khuavannuai khempeuh a uk hi. Eite’ kilem nading tawh kisai-in a bangmah khempeuh neu lua hi cih omlo hi. Eite tuahkhak thute ah ama simdingin a miallua mun omlo hi; ama’ pholh khiat dingin a haksalua lungbuai nading omlo hi. Eite’ biak vantung a om Pasian in hong thudon’ lo-in, Pasian in thakhat thu in hong theih pihloh bangmah buaina hong tung theilo – lung himawhna omlo, lungnopna omlo-in, lungsim takpi tawh thungetna omlo – cih ahih keileh hong huh ding hi”